

1. Ano ang Modified Pag-IBIG II (MP2)?

Ang modified Pag-IBIG II ay isang boluntaryong programa ng pag-iimpok na nagbibigay ng pagkakataon sa mga miyembro ng Pag-IBIG na kumita ng mas mataas na dibidendo mula sa kanilang inimpok sa loob lamang ng limang taon.

2. Sino ang pwedeng sumali sa programa?

Bukas ang programa sa lahat ng miyembro na kasali sa Pag-IBIG I o regular membership na kumikita ng mahigit limang libo kada buwan. Kasama sa programa ang mga OFW-member ng Pag-IBIG.

3. Magkano ang ihuhulog ko sa ilalim ng Modified Pag-IBIG II Program?

Maghuhulog ka ng P500 kada buwan. Maaari ka ding maghulog ng mas mataas sa P500 kung gusto mo ng mas malaking impok.

Halimbawa:

Buwanang Hulog	Kabuuang impok pagkaraan ng 5 Taon*	Kabuuang impok pagkaraan ng 10 Taon*
P500.00	P34,921.79	P81,655.02
P1,000.00	P69,843.58	P163,310.05
P1,500.00	P104,765.37	P244,965.07
P2,000.00	P139,687.16	P326,620.10
P5,000.00	P349,217.90	P816,550.25

* Kung ang itinakdang dividend rate ng Pag-IBIG ay 6%

4. Ano ang dividend rate ng inimpok ko sa ilalim ng Modified Pag-IBIG II?

Mas mataas ang dibidendong ibinibigay sa ilalim ng nasabing programa kumpara sa dibidendo sa ilalim ng regular membership program o Pag-IBIG I. Halimbawa, noong Abril 2010, itinakda sa 5.5% ang dividend rate para sa Modified Pag-IBIG II at 5% naman para sa Pag-IBIG I. Tax-free at garantisado ng pamahalaan ang impok ng miyembro kasama ang dibidendo.

5. Kailan ko maaaring ma-withdraw ang aking inimpok sa Modified Pag-IBIG II Program?

Maaari mong ma-withdraw ang inimpok mo kasama ang dibidendo pagkatapos

ng limang taon. Pwede ring ma-withdraw ang iyong ipon bago matapos ang limang taon sa mga sumusunod na dahilan:

- Total disability or insanity
- Pagkaalis sa trabaho dahil sa sakit o karamdaman
- Pagkamatay ng miyembro

6. Anong mangyayari pag nag-mature na ang aking membership sa Modified Pag-IBIG II at hindi ko nakuha ang aking inimpok?

Patuloy namang kikita ng dibidendo ang iyong impok sa loob ng dalawang taon matapos ang maturity. Yun lamang, ibabase na sa rate na idedeklara sa ilalim ng Pag-IBIG I ang dibidendo. Pagkatapos ng dalawang taon, hindi na kikita ng dibidendo ang iyong impok.

7. Pwede ko pa bang ituloy ang paghuhulog pagkatapos ng limang taon?

Oo. Maaari mong ipagpatuloy ang iyong membership sa programa sa loob ng panibagong limang taon. Ipaalam lamang sa Pag-IBIG ang intensyong magpatuloy sa programa.

8. Maaari ba akong magpa-rehistro sa Modified Pag-IBIG II kung hindi ako miyembro ng Pag-IBIG I?

Hindi. Kailangang miyembro ka muna ng Pag-IBIG I bago ka magpa-rehistro sa Modified Pag-IBIG II. Kung ikaw ay Pag-IBIG member na, kailangan mong panatilihin ang iyong membership sa Pag-IBIG I kung gusto mong magpa-rehistro sa Modified Pag-IBIG II.

9. Maaari ba akong makinabang sa mga loan kung miyembro ako ng Modified Pag-IBIG II Program?

Hindi. Ang Modified Pag-IBIG II ay isang programa para lamang sa pag-iimpok kaya hindi ka maaaring mag-avail ng anumang loan base sa membership mo sa programang ito.

Ngunit pwede ka naman mangutang para sa emergencies sa ilalim ng Multi-Purpose Loan program o para sa pabahay kung aktibong miyembro ka ng Pag-IBIG I at kung natugunan mo ang lahat ng eligibility criteria.